

গণপ্রজাতন্ত্রী বাংলাদেশ সরকার
 যুব ও ক্রীড়া মন্ত্রণালয়
 সমন্বয় শাখা
 বাংলাদেশ সচিবালয়, ঢাকা।
www.moysports.gov.bd

বিষয় : যুব ও ক্রীড়া মন্ত্রণালয়ের নৈতিকতা কমিটির সভার কার্যবিবরণী।

সভাপতি : ড. মোঃ জাফর উদ্দীন
 ভারপ্রাপ্ত সচিব, যুব ও ক্রীড়া মন্ত্রণালয়, ঢাকা।
 তারিখ : ০৭ এপ্রিল, ২০১৯ খ্রি:
 সময় : সকাল-১০:০০ ঘটিকা
 স্থান : মন্ত্রণালয়ের সম্মেলন কক্ষ (কক্ষ নং-৫০২, ভবন নং-৭)।
 সভায় উপস্থিত কর্মকর্তাবৃন্দের নামের তালিকা: পরিশিষ্ট 'ক'।

সভাপতি সভার প্রারম্ভে উপস্থিত কর্মকর্তাগণকে স্বাগত জানিয়ে সভার কার্যক্রম শুরু করেন। অতঃপর সভাপতির অনুমতিক্রমে মন্ত্রণালয়ের যুগ্মসচিব (সমন্বয়) গত ১০ জানুয়ারি ২০১৯ তারিখে অনুষ্ঠিত নৈতিকতা কমিটির সভায় গৃহীত সিদ্ধান্তসমূহের বাস্তবায়ন অগ্রগতি সভায় উপস্থাপন করেন। সভাপতি মন্ত্রণালয়সহ সকল দপ্তর/সংস্থার সেবা প্রদানের ক্ষেত্রে স্বচ্ছতা ও জবাবদিহিতা নিশ্চিত করার জন্য নৈতিকতার চর্চা অব্যাহত রাখার বিষয়ে গুরুত্বারোপ করেন। মন্ত্রণালয় ও দপ্তর/সংস্থাসমূহকে ইতোপূর্বে প্রণীত জাতীয় শুদ্ধাচার কৌশল কর্ম-পরিকল্পনা সর্বাধিক গুরুত্ব সহকারে বাস্তবায়ন করতে হবে মর্মে সভাপতি নির্দেশনা প্রদান করেন। তিনি বিগত ১০-০১-২০১৯ তারিখে অনুষ্ঠিত নৈতিকতা কমিটির সভায় গৃহীত সিদ্ধান্তসমূহ বাস্তবায়িত হওয়ায় সন্তোষ প্রকাশ করেন। অতঃপর যুগ্মসচিব (সমন্বয়) মন্ত্রণালয়ের জাতীয় শুদ্ধাচার কৌশল কর্মপরিকল্পনা ও বাস্তবায়ন অগ্রগতি পরিবীক্ষণ কাঠামো ২০১৮-২০১৯-এর তৃতীয় কোয়ার্টারের (জানুয়ারি-মার্চ, ২০১৯) প্রতিবেদন সভায় উপস্থাপন করেন।

০২। যুগ্মসচিব (প্রশাসন) সভাকে অবহিত করেন যে, যুব ও ক্রীড়া মন্ত্রণালয়ে জ্বালানির কোন বিল বকেয়া নেই। মন্ত্রণালয়ের কর্মচারীদেরকে জাতীয় শুদ্ধাচার কৌশল বিষয়ে অবহিত করার জন্য ৬০ ঘণ্টা প্রশিক্ষণে তা প্রশিক্ষণের পাঠ্যসূচিতে অন্তর্ভুক্ত করা হয়েছে। জাতীয় ক্রীড়া পরিষদের প্রতিনিধি সভাকে অবহিত করেন যে, জাতীয় ক্রীড়া পরিষদের বাজেট স্বল্পতার জন্য শতভাগ বিদ্যুৎ, পানি ও জ্বালানি বিল পরিশোধ করা সম্ভব হচ্ছে না।

০৩। সভায় বিস্তারিত আলোচনান্তে নিম্নলিখিত সিদ্ধান্তসমূহ গৃহীত হয়:

- (ক) যুব ও ক্রীড়া মন্ত্রণালয় এবং দপ্তর/সংস্থার সকল নথির শ্রেণিবিন্যাসকরণের কার্যক্রম মে/২০১৯ এর মধ্যে সম্পাদন ও বাস্তবায়ন করতে হবে।
- (খ) জাতীয় ক্রীড়া পরিষদের বিদ্যুৎ, পানি ও জ্বালানির সকল বকেয়া বিল অবশ্যই মে/২০১৯ এর মধ্যে পরিশোধ করতে হবে।
- (গ) প্রতি মাসের সমন্বয় সভায় এ মন্ত্রণালয়ের আওতাধীন দপ্তর/সংস্থার মাঠ পর্যায়ের অফিসসমূহের সাথে স্কাইপে/ ভিডিও কনফারেন্সিং এর মাধ্যমে চলমান কার্যক্রমের অগ্রগতি বিষয়ে আলোচনা করতে হবে। মন্ত্রণালয়ের যুব অনুবিভাগ ও ক্রীড়া অনুবিভাগ এ বিষয়ে প্রয়োজনীয় কার্যক্রম গ্রহণ করবেন।

চলমান পাতা/০২

-০২-

- (ঘ) জাতীয় ক্রীড়া পরিষদ, বাংলাদেশ ক্রীড়া শিক্ষা প্রতিষ্ঠান ও ক্রীড়া পরিদপ্তরকে এপ্রিল/২০১৯ এর মধ্যে জাতীয় শুদ্ধাচার কৌশল কর্মপরিকল্পনার বাস্তবায়ন বিষয়ে কর্মশালার আয়োজন করতে হবে। বঙ্গবন্ধু ক্রীড়াসেবী কল্যাণ ফাউন্ডেশনের কর্মকর্তা-কর্মচারিগণ জাতীয় ক্রীড়া পরিষদ কর্তৃক আয়োজিত কর্মশালায় অংশগ্রহণ করবেন।
- (ঙ) ২০১৮-২০১৯ অর্থ-বছরে শুদ্ধাচার পুরস্কার প্রদানের নিমিত্ত যুগ্মসচিব (ক্রীড়া)-কে আহ্বায়ক এবং উপসচিব (প্রশাসন)-কে সদস্য-সচিব ও উপসচিব (সমন্বয়)-কে সদস্য করে ০৩ সদস্যবিশিষ্ট একটি বাছাই কমিটি গঠন করতে হবে। মন্ত্রণালয়ের প্রশাসন অনুবিভাগ এ বিষয়ে প্রয়োজনীয় কার্যক্রম গ্রহণ করবেন।
- (চ) জাতীয় শুদ্ধাচার কৌশল কর্ম-পরিকল্পনা প্রণয়ন ও বাস্তবায়ন অগ্রগতি পরিবীক্ষণ কাঠামো, ২০১৮-২০১৯ এর ৩.২ কার্যক্রমে “যুব সংগঠন (নিবন্ধন এবং পরিচালনা) আইন, ২০১৫ যুগোপযোগীকরণ” এর পরিবর্তে “বাংলাদেশ ক্রীড়া শিক্ষা প্রতিষ্ঠান অধ্যাদেশ, ১৯৮৩ যুগোপযোগীকরণ” অন্তর্ভুক্ত করার সিদ্ধান্ত গৃহীত হয়।
- (ছ) যুব ও ক্রীড়া মন্ত্রণালয়ের প্রস্তুতকৃত জাতীয় শুদ্ধাচার কৌশল কর্মপরিকল্পনা ও বাস্তবায়ন অগ্রগতি পরিবীক্ষণ কাঠামো ২০১৮-২০১৯-এর তৃতীয় কোয়ার্টারের (জানুয়ারি-মার্চ/২০১৯) প্রতিবেদন জরুরিভিত্তিতে মন্ত্রিপরিষদ বিভাগে প্রেরণ করতে হবে।

০৪। পরিশেষে সভাপতি উপস্থিত সকলকে ধন্যবাদ জানিয়ে সভার সমাপ্তি ঘোষণা করেন।

স্বাক্ষরিত/-

৭/৪/২০১৯

(ড. মোঃ জাফর উদ্দীন)

ভারপ্রাপ্ত সচিব

যুব ও ক্রীড়া মন্ত্রণালয়

২৫-১২-১৪২৫ বঙ্গাব্দ

তারিখঃ-----

০৮-০৪-২০১৯ খ্রি.


স্মারক নং-৩৪.০০.০০০০.০৪৩.১৬.১৩৮.১৭ (অংশ-১). ৭৭৪

অনুলিপি সদয় অবগতি ও প্রয়োজনীয় ব্যবস্থা গ্রহণের জন্য প্রেরণ করা হলো:(জ্যেষ্ঠতার ক্রমানুসারে নয়)

- ১। অতিরিক্ত সচিব (সকল), যুব ও ক্রীড়া মন্ত্রণালয়, ঢাকা।
- ২। মহাপরিচালক (ভারপ্রাপ্ত), যুব উন্নয়ন অধিদপ্তর, ঢাকা।
- ৩। মহাপরিচালক, শেখ হাসিনা যুব উন্নয়ন ইনস্টিটিউট, সাভার, ঢাকা।
- ৪। পরিচালক (অতিরিক্ত সচিব), ক্রীড়া পরিদপ্তর, ঢাকা।
- ৫। যুগ্মসচিব (সকল), যুব ও ক্রীড়া মন্ত্রণালয়, ঢাকা।
- ৬। মহাপরিচালক, বাংলাদেশ ক্রীড়া শিক্ষা প্রতিষ্ঠান, ঢাকা।
- ৭। সচিব, জাতীয় ক্রীড়া পরিষদ, ঢাকা।
- ৮। সচিব, বঙ্গবন্ধু ক্রীড়াসেবী কল্যাণ ফাউন্ডেশন, ঢাকা।
- ৯। উপসচিব (সকল), যুব ও ক্রীড়া মন্ত্রণালয়, ঢাকা।
- ১০। সিনিয়র সহকারী সচিব/সহকারী সচিব (সকল), যুব ও ক্রীড়া মন্ত্রণালয়, ঢাকা।
- ১১। প্রোগ্রামার, যুব ও ক্রীড়া মন্ত্রণালয়, ঢাকা (ওয়েবসাইটে আপলোড ও ই-মেইলে প্রেরণের অনুরোধসহ)

অনুলিপি:

- ১। ভারপ্রাপ্ত সচিবের একান্ত সচিব, যুব ও ক্রীড়া মন্ত্রণালয়, ঢাকা।


০৮/০৪/২০১৯
(সেলিনা আক্তার)

সহকারী সচিব

ফোনঃ ৯৫৪৫০২২

(ই-মেইল: csmoys66@gmail.com)